



津田文庫
文庫 1
1759
2





隸釋卷第四

丁巳文庫



蜀郡守何君閣道碑 青衣尉趙君羊竇道碑

司隸楊君石門頌 廣漢長王君石路碑

武都守李翕西狹頌 李翕龜池五瑞碑

李翕析里橋郵閣頌 桂陽守周憬功勳銘并陰

蜀郡太守何君閣道碑

蜀郡太守平陵何君遣掾臨邛舒鮪將徒治道造尊

建閣衰五十五丈用功千一百九十八日建武中元

二年六月就道史任雷陳春主

右蜀郡太守何君閣道碑光武中元二年刻此碑
蜀中近出毗陵胡世將承公好藏金石刻紹興已
未年帥蜀尚未見之東漢隸書斯為之首字法方
勁古意有餘如瞻冠章甫而衣逢掖者使人起敬
不暇雖敗筆成家未易窺其藩籬也蜀人以為尊
棧閣碑棧路謂之閣道非樓閣之閣也邛犍九折
坂蓋其地華陽國志云道至險有長嶺楊母閣之
峻昔楊氏倡造作閣故名焉范書光武之紀年二
曰建武曰中元祭祀志云以建武三十二年為建

武中元元年宋莒公紀年通譜云紀志俱出范氏
而所載不同必傳寫脫誤學者失於精審以意刪
去梁武帝大同大通俱有中字是亦憲章於此司
馬公作通鑑不取其說葉夢得少蘊避暑錄云韓
王汝家有一銅料其銘云新始建國天鳳上戊六
年紹興中郭浩知金州田夫耕得一鉅其銘云新
始建國地皇上戊二年予案王莽始建國之后改
天鳳又改地皇二器与碑特相類殆莽漢之際習
俗相尚以即位初元冠於新曆之上故此碑有建

武中元之文漢志亦采取一時所記失於筆削爾
東夷傳云建武中元二年倭奴國奉貢蓋与志同

青衣尉趙孟麟羊竇道碑

羊竇道舊故南上高山下人字入深谷危駭回遠百姓
患苦永初六年青衣尉南安趙孟麟交易由此道濱
江平澤無盜賊差近廿里騎馬僭覓水弱得過除去
危難行人萬姓莫不蒙恩傳于無窮乎

維世青衣尉趙君故治所書佐郡督郵隨牒除到
六日郡召南蜀鐵商長積四月治狀亦明造守成都

今復還歸尉商羊竇故道高危君字崖易道盜

賊徵止老弱往來無患時興字典主通道者積裕故吏

梁浞捕盜賊王留百姓過者皆蒙恩君延壽萬年

書此盛巨永元十一月九日造

右青衣尉趙君羊竇道碑亦近歲始出於眉州趙
君字孟麟以安帝永初六年穿崖易道行人去危
即安故刊石以志其事字畫甚拙非何君閣道碑
之比嘉州夾江縣又有磨崖四百餘字云平鄉明
亭大道北与茂陽西与青衣越雋通界回曲危險

扶風王君為民興利除害遣掾何章修治故書崖
以頌之蓋和帝永元八年也筆札亦拙又崖石增

長字體失真无可取者

碑以微為懲駿即峻字更即更字儋即擔字過即過

司隸校尉楊孟文石門

頌華陽國志楊君名漢

惟以靈定位川澤股躬澤有所注川有所通余言之
川其澤南隆八方所達益域為充

高祖受命興於漢中道由子才出散入秦建定帝位

以漢詆焉

馬

字後以子才塗路此難更隨圍台復通堂

充凡此四道域高无

尤

字艱至於永平具有四丰詔書

開余鑿通石門中遭元二西夷電殘槁梁斷絕于千

復循上則縣峻屈曲深顛下則人

入

字真廩寫輸淵

平阿涼泥常蔭鮮晏木石相距利磨確略臨危槍碣

履尾心寒空輿輕騎遶鼻弗前憲虫蔽狩蛇蝮毒螭

未秋截霜稼苗友

天

字殘終丰不登價饑之患卑者楚

憲尊者弗安愁苦之難焉可具言於是明知故司隸

校尉棗為武陽楊君厥字孟文深執忠伉數上奏請

有司議駁君遂執爭百遠咸逆帝用是聽廢子由斯

得其度經功飭爾要啟而晏平清涼調和烝艾寧

至建和二車仲冬上旬漢中太守榷為武陽王升字
 稚絕涉歷山道推序本原嘉君明知美其仁賢勒石
 頌德以明厥勲其辭曰
 君德明二炳煥彌光刺過拾遺厲清八荒奉魁承杓
 綏億衛疆春宣聖日秋貶若霜無偏蕩二真雅以方
 寧靜烝庶政與乾通輔主匡君循禮有常咸曉地理
 知世紀綱言必忠義匪石厥章厥弘大節謹而益明
 揆注卓今謀合朝情醞艱即安有勲有榮禹鑿龍門
 君其繼縱上順升斗極下答以皇自南自北四海攸

通君子安樂庶土

士悅靡商人咸懽農夫永同春秋

記異今而紀功垂深億載世二嘆誦

序曰明哉仁知豫識難易原度天道安危所歸勤二

竭誠榮名休麗

五官掾南鄭趙邵字季南屬襄中毘漢疆字產

伯書佐西戎王貳字文寶主

王府君閔台道

缺難分置六部道攝特遣行承事西

戎輔服字顯公都督掾南鄭魏整字伯玉後遣趙誦

字公梁案察中曹卓行造作石積萬世之基或解高

格下就平易行者欣然焉

伯玉即日造署行丞事守安陽長

右故司隸校尉掾為楊君頌隸額在興元威宗建和二年漢中太守王升立碑云司隸校尉楊君厥字孟文水經及歐趙皆謂之楊厥碑蜀中晚出楊淮碑云司隸校尉楊君厥諱淮字伯邳大司隸孟文之元孫也始知兩碑皆以厥為語助此乃后政頌其勲德故尊而字之不稱其名順帝紀延光四年詔益州刺史罷子午道通褒斜路蓋從其所請

也子午者長安正南山名褒斜者漢中谷名高祖開石門史策不書亦見邨閣碑平帝時王莽以皇后有子孫瑞遂通子午永平之詔史亦闕文安帝永初元年先零叛斷隴道寇三輔入益州殺漢中守乃橋梁斷絕時也自明帝永平四年通石門至永初幾五十年自永初褒斜斷絕至延光四年凡十五年水經云石門穿山通道六丈有餘即秦人取蜀之石牛道楊君因而廣之蜀都賦岵以石門是也門在漢中之西褒中之北褒水南歷褒口北

出斜谷鄧騭傳元二之災注云元二即元元也古
書字當再讀者即於上字之下為小二字言此字
當兩度言之后人不曉遂讀為元二或全之陽九
或附之百六良由不悟致斯乖舛岐州石鼓銘凡
重言者皆為二字明驗也趙氏云此碑有曰中遭
元二西戎虐殘橋梁斷絕若讀為元元則為不成
文理疑當時自有此語漢注未必然也予按漢刻
如北海相景君及李翊夫人碑之類凡重文皆以
小二字贅其下此碑有烝烝明明蕩蕩世世勤勤

亦不再出上一字然非若元二遂書為大二字也
又孔耽碑云遭元二輒軻人民相食若作元元則
下文不應又言人民漢注之非明矣王充論衡云
今上嗣位元二之間嘉德布流三年零陵生芝草
五本四年甘露降五縣五年芝復生六年黃龍見
大小凡八章帝紀所書建初三年以后龍芝甘露
之瑞皆同則論衡所云元二者蓋謂即位之元年
二年也鄧君傳云永初元年夏涼部畔羗搖蕩西
州詔騭將羽林軍五校士擊之冬徵騭班師迎拜

為大將軍

帝紀班師在二年十一月傳有脫字也

時遭元二之災人

士荒飢盜賊群起四夷侵畔隲崇節儉罷力後進

賢士故天下復安四年以母病求還侍養則此傳

所云元二者亦謂元年二年也安帝紀書兩年之

間万民飢流羗貊叛戾又與傳同此碑所云西戎

虐殘槁梁斷絕正是鄧隲出師時則史傳碑碣皆

與論衡合建初者章帝之始年永初者安帝之始

年乃知東漢之文所謂元二者如此碑以余言為

詆為抵此為澁蔭為陰遠為寮帶狩為斃獸商為

字蓋即塗字斷即斷字腊即腊字遼即滯字尋即碑字
字慈即惡字疆即疆字麻即恢字釋即釋字繼即繼字

廣漢長王君治石路碑

表

惟右部官國之珍寶衝路危險俠石膽岩缺道人馬

缺行為民隆害歷世彊久靡有苗心長廣漢

王君建和二車冬任掾楊缺攻沿治破壞又從涂口

繇平缺三井間道至別鹽得去危就安功夫九百餘

日成就通達永傳億歲無窮記

弟子楊子欽奉為佗缺定遠缺六造

右廣漢長王君治石路碑以一表字題其上洧泗
志武帝穿漕漕令齊人水工徐伯表注謂巡行而
表記之与此蓋同意王君攻治崖路危險去民隆
宮標表其事文不滿百在今漢州威宗建和二年

楊子欽所作彌字

武都太守李翕西狹頌

漢武韻太守漢陽阿陽李君諱翕字伯韻天姿明敏
敦詩悅禮膺祿美厚繼世郎吏秀而固衛弱冠典城

有阿鄭之化是呂三剖符開致黃龍嘉禾木連甘露
之瑞動順經古先之呂博愛陳之呂德義示之呂好
憲不肅而成不嚴而治朝中惟靜威儀抑抑智却部
職不出府門政約令行強不暴寬知不訖愚屬縣彭
教無對會之事傲外來庭面縛二千餘人聿穀屢登
倉庫惟億百姓有蓄粟麥五錢郡西狹中道危難阻
峻緣崖俾閣兩山壁立隆崇造雲下有不測之谿阨
芒促迫財財商車騎進不能濟息不得駐數有顛覆
賈隧之固過者創楚惴惴其慄君踐其險若涉淵水

水嘆曰詩所謂如集于木如臨于言斯其殆哉因其
 事則為設備今不圖之為患無已勅衡官有秩李瑾
 掾仇瓘回常繇道造鑿燒破析刺白確鬼滅高就埋
 平夷正曲柙綬土石堅固廣大可居夜涉四方允雍
 行人懽暢民歌德惠穆如清風所刊斯石曰
 赫赫明后柔嘉惟則克長克君牧向三國三國清平
 詠歌懿德瑞降豐稔民戶貨種威恩竝隆遠人賓服
 鑿山浚瀆路已安直繼禹之迹亦世賴福
 建寧四年六月十三日王寅造時府

丞右扶風陳倉呂國字文寶
 故府掾孟字

右武都太守李翕西狹頌在成州今之階成興鳳
 皆漢武都郡也李君治武都橋道前后三處磨崖
 棧險架橋則卮閣鑿崖治路則西狹天井此碑靈
 帝建寧四年刻彼兩碑皆次年刻者歐得其一趙
 得其二天井一碑是時未出南豐曾子固跋此碑
 云翕與功曹史李旻定策勅衡官掾仇審治東阪
 有秩李瑾治西阪鑿燒火石人得夷塗作頌刻石
 其文有二所識一也其一刻於四年六月十三日

壬寅其一是年六月

三十日刺今集古之家惟有壬寅一碑李旻定笑碑中不見

見天井吏屬却有李旻姓名始知南豐非輕信異聞必是西狹第二碑所載近歲武

都樵人斬刈藤葛始見石上有天井刺字倚崖縛

架榷拓甚艱寺僧或以惡木蔽晦日后碑恐有此

患

碑以割為割芒為窄隧為墜
桶為踊植為殖憲即惡字

李翕黽池五瑞碑

黃龍 白鹿 木連理 嘉禾 甘露降 承露人

君昔左黽池脩峻嶽之道德治精通致黃龍白鹿之

瑞故圖畫其像

右李翕黽池五瑞碑李君昔治黽池臻此瑞物及

西狹磨崖因刺於前非碑陰也黽池有二般屬洪

農郛

李翕析里橋郛閣頌

惟斯析里覈漢之右溪源漂疾橫柱于道涉秋霖漉

盆溢缺 涌濤波滂沛激揚絕道漢水逞讓稽滯商旅

路當二州經用衿沮沮縣士民或給州府休謁往還

恒共日晷行理咨嗟郡縣所苦斯谿既然郛閣尤甚

緣崖鑿石覈隱定柱臨深長淵三百餘丈接木相連

彌為萬柱過者慄慄載乘為下常車迎布歲數千兩
遭遇墮納人物俱陷沈沒洪淵酷烈為禍自古迄今
莫不創楚於是

大守漢陽阿陽李君諱翕字伯都以建寧三年二月
辛巳到官思惟惠利有以綏濟聞此為難其日久矣
嘉念高帝之開石門元功系朽乃俾衡官掾下辨仇
審改解危殆即便求隱析里大橋於今乃造校致致
堅字缺二五巧雖昔魯斑亦莫儼象又醜散關之漸漂
逆朝陽之平燔滅西字缺二高閣就安寧之石道禹導

江河以靖四海經記厥績文康萬里臣字缺三勒石示

後乃位頌曰

字缺四降茲惠君克明俊德允武允文躬儉尚約化流

若神慶氓如字缺三平均精通皓穹三納符銀所歷垂

勲香風有隣仍致瑞應豐稔字缺五樂行人夷欣慕君

靡已乃詠新詩

字缺四子川允之間高山崔隗子水流蕩蕩地既堦确

子與寢為隣字缺六以析分或共緒業子至巧困貧危

危累卯子聖朝閱憐髦文究字缺五子翁救傾子全

育缺遺劬勞日稷子惟惠勤勤黃邵朱龔子蓋采四缺

充贏子百姓歡欣魚曰大平子文翁復存

建寧五字缺二月十八日癸下

時衡官字缺三仇審字孔信

從史位字缺四字漢德為屯頌

故吏下辨字缺三子長書屯頌

時石師南字缺四威明

右析里橋郵閣頌額今在興州靈帝建寧五年
立后西狹碑一歲別有數行刻書撰人及石師姓

名歐公謂遭遇隕納及醜散關之嶄歐誤灑造朝

陽之平慘刺畫完而莫詳其義或是用字假借案

碑言閣道危殆車乘注還人物俱墮則隕納謂墜

淵也慘即燥字醜與釋全太史公書皆狀楊著碑

醜榮投蔽景君碑農夫醜耒之類是也其云劬勞

日稷盖用穀梁子曰下稷之文靈臺費鳳碑亦有

之碑以橫柱為橫注益溢為溢行理為行

李厥續為厥績崔隗為崔嵬禍即禍字
桂陽太守周憬功勳銘

桂陽太守周府君者徐州下邳人也諱憬字君光體

性敦仁天姿篤厚行興閨門名缺州里舉孝廉拜尚

書侍郎遷汝南固始相遂拜桂陽廼宣魯衛之政敷

二南之澤政以德綏化猶風騰撫集烝細缺綏有方

進則貞直退則錯柱崇舉濟濟吉士士充朝招訓缺

蒙開誘六蔽君子道長小人道消信感神祇靈瑞符

缺嘉穀生於野竒草像蓬蒿異相之樹超然連理於

此缺時邦域惟寧郡又與與南海接比商旅所臻自

瀑亭至乎曲紅壺由此水其水源也出於王禽之山

山蓋隆缺字三方天泉噴沸踊發射其顛分汜離散為

十二川彌陵隴阻立阜錯連隅陬靡藹未由騁焉爾

乃貫山鑽石經缺字四揚爭怒浮沈潛伏地龍蛭屈澧

隆鬱泡干渠萬澮合聚谿澗下迄安甌六瀧佗難湍

瀨涇涇泣汙潺湲雖詩稱百川沸騰高岸為谷深谷

為陵蓋莫若斯天軌所經惡得已改其下注也若奔

車失轡狂牛無縻缺勿流忽臚睦不相知及其上也

則羣輩相隨檀柁提缺唱號慷慨沈深不前其成敗

也非造喪寶玩墮珍竒替珠貝汜象犀也往古來今

變甚終矣於是府君乃思夏后之遺訓缺應龍之畫

傷行旅之悲窮哀由人困厄感蜀守冰弥絕犁雕嘉
 夫昧淵永用夷易廼命良吏煥帥壯夫排積厝石投
 之窳字缺二高填下鑿截回曲彌水之邪性順導其經
 脉断碾溢之電波弱陽侯之汹涌由是小溪局平直
 大道允通利挹布貿絜交易而至升涉周旋功萬於
 前除昔字缺二樹壘於茲雖非龍門之鴻鴻字績亦人君
 之德宗故胎字船人嘆於水渚行旅語於涂陸孔子曰
 禹不決江踈河吾其魚矣於是熹平三季歲在攝提
 仲冬之月曲紅長零陵重安區祉字景賢遵承典憲

宣揚德訓帥禮不越欽仰高山局與色子故吏龔臺
 郭蒼龔維等命工擊石建碑于瀧上勒銘公功傳之
 萬世垂示無窮其辭曰

乾以剖兮建兩儀劉采兮有險夷咨中巒兮穆崔
 嵬嘆衡林兮獨傾虧增陵隋兮甚隘陟鯨莫涉兮禹
 不規仰王禽兮又崑崙俯瀧淵兮怛以悲岸叅天兮
 無路溪石縱橫兮涿洄洄波隆隆兮聲若雷或抱負
 兮以從利或追思兮有赴義泥自楫兮有不避缺躬
 軀兮於玄池委性命兮於芒緇懣寒慄兮不皇計忽

詩經

卷之四

五

隨深兮殆忘歸懿賢后兮發匪聖英閉不通兮治斯

谿靡巨石兮以湮填開切促兮導曲機摧六瀧兮弱

兮散其波威怒定兮混瀾瀾息哢啾兮逝

兮蛟龍滅睦老唱兮臚人歌名嗣古兮

超踰倫今稱缺兮耀深沙功斐斐兮鏡海裔君兮君

壽不訾

右神漢桂陽太守周府君功勳之紀銘隸額周君

名憬自固始相為桂陽守碑云熹平三年歲在攝

提仲冬之月曲經長區祉與色子故吏建碑于瀧

上蓋靈帝甲寅年也茲水發源王禽山千渠萬漚

下湊六瀧舟楫過之若奔車失轡狂牛無縻喪寶

玩流象犀積有日矣周君思夏后龍門之績感李

冰離堆之事排治湍梗人得利涉故紀其功勳銘

辭全逼騷雅有瓠子歌遺意韓退之詩云南下樂

昌瀧險惡不可狀者即謂此也樂史寰宇記云瀧

上有太守周昕廟今碑在韶州張九齡廟中其名

尚隱隱可辯蓋憬字也予嘗侍親度嶺留英州其

郡東亦有瀧問之云彼處壤沃宜稻而山甚高峭

僅有鳥道負擔者不可下土人斬竹為簾以器貯
米實其上俟雨至澗通隨飛瀑魚貫而下注于深
潭入水底始再出碎于石者什五六謂之瀧如此
碑以塵藹為壅過犁雕為
犁堆小溪路後皆為蹊

周憬碑陰

故曲紅長零陵重安區祉字景賢故舍涯長南郡郎
蒼陸字缺夏故湏陽守長南平丞長沙漢昌蹇祗字
宣節故行事耒陽攀憂字漢威故荊州從事曲紅龔
皇字少謙故荊州從事曲紅郭蒼字伯起故荊州從

事柳王鼎字季尼故南部督邾曲紅龔雒字缺然故
吏曲紅鄧音字孝章故吏曲紅朱隲字義德故吏曲
紅張源字子才故吏曲紅龔達字封通故吏曲紅黃
部字壽尼故吏曲紅周蓋字伯嘗故吏曲紅黃晏字
子齊故吏曲紅馬珪字元序故吏曲紅潭承字寧升
故吏曲紅劉鵠字季產故吏曲紅黃祺字封仁故吏
曲紅周習字仲鸞故吏曲紅劉越字子省故吏柳褚
禧字缺讓故吏耒陽蔡缺字已明故湏陽左尉零陵
泉陵缺三故吏湏陽劉明字仲缺故吏湏陽左勝字

仲升故吏湏陽左辭字妙舉故吏湏陽宋碩字子張故吏舍涯堯禹字公利故吏舍涯張邵字寧威故吏舍涯黃詳字伯節工師南陽宛王選字子彊

右周憬碑陰宰曲紅者一人貫曲紅者十六人熊君碑亦全兩漢書皆作曲江諸家地理書皆云水流屈曲故曰曲江唯水經云縣昔号曲紅山之名也前書工女大功皆只同用紅字未知水經何所據也

隸釋卷第四



隸釋卷第五

橐長蔡湛頌

溧陽長潘乾校官碑

梁相孔耽神祠碑

成陽令唐扶頌

巴郡守張納功德叙

并陰 醜棗令劉熊碑 并陰

橐長蔡湛頌

君諱湛字子德河內脩武人也其先

缺 周封村 缺 二

葉文王采食蔡

缺 五

剔其氏麻世卿尹有功王室迄

于大漢繼踐繁隆由任台翼外作股肱元初之

缺 三

擾攘君考銜詔東掃其難宰化

缺

符守吳郡再在

缺 二

字復牧青州鳳聲所加字缺三 帝愛樹之美湛剔其中

子也少耽七典字缺二 碩材字缺二 州郡名寶鄉黨辟州

從事上字缺三 舉孝廉以疾辭讓應司徒府除廣川長

公事去官復辟大尉以熹平四年六月乙卯詔書除

字缺四 政也躬清絜以草穢班五禮以齊眾官剔不勞

民亦懋事於斯字缺二 孝翁習而帥字缺三 蕭滌而雲消

爾乃來幽秀於巖列嘯字缺二 於閭闔欽耆賢以字缺四 命

字缺 齊信以殊禮字缺三 良字缺 足而思節為惡迎化而移

心字缺 鳳清和而琬琰時雨應氣而投間嘉祥臻字缺四

生年穀豐儲歲有其成遠鄰附就戶口增前視事三

年遷高邑令吏民追思如字缺三 朝夕思焉夫播禮以

正信少津以擿女穉為而稱治盪盪有功字缺 飛陶唐

氏其孰能字缺三 乎鄭產密豹之徒殆不及矣蓋良君

興遺愛字缺 民栞銘樹 今之通義也於是吏字缺三 粟

尹等相與合會立碑起頌刊斯石焉

其辭曰

穆穆蔡君國之俊細應禮字缺二 不降其光乃就台鼎

廡足高字缺 協英公門表職是望字缺 賦廣川不挫其芳

乃旋色厲更迹惟良舒羽來臨我國是煌靡缺不

网禋不通民用寧缺風信以康三載勲取功證王府

命作高色臨拜州缺吏民追思乃銘其叙昭示缺裔

亦孔之表君德含洪有君子道四焉

聖朝明哲以爵寵賢光和四年十二月甲缺詔書拜

并州刺史

光和四年七月七日丁缺二

右漢故臺長蔡君之頌隸額在真定有陰靈帝光

和四年立蔡君名湛治臺三載而遷高色吏民思

其惠政故粟尹等共刊斯石頌后又志其并州之

除蓋續書也碑以盪為湯飛為非麻即歷字希即

溧陽長潘乾校官碑

蓋漢三百八十有七載缺三于缺二銘功著斯金石

界誅曰溧陽長潘君諱乾字元卓陳國長平人蓋楚

大傅潘崇之末緒也君稟資南缺之缺四德之絕操

鬚鬣缺敏缺學典謨祖講詩易剖演奧藝外覽百家

衆缺挈聖抱不測之謀秉高岳之介屈私錫公即仕

佐上郡位既重孔武超著疾惡義形從風征暴執訊

獲首除曲阿尉禽姦戾獨闕息善歡履菰竹之廉蹈

公儀之絜察廉除茲初廉清肅賦仁義之風缺三之

迹猨化放虐岐周流愛雙虐缺二親馭寶智進直退

憲帑政優優令儀令色獄鞫呼噉之寃樹鞫叩匈之

結矜孤頤老表孝貞節重義輕利制尸六百省無正

繇不責自畢百姓心歡罔不共實於是遠人聆聲景

附樂受一厘既來安之缺設三季惟泮罔之教反缺

俗之禮構脩學宮廟齋招德既安且寧于侯用張墜

豆用躒發彼有的睢罔缺閑鍾磬縣兵方肯樂焉乃

佗叙曰翼翼聖慈惠我犇蒸貽我潘君平茲溧陽彬

文赴武扶弱抑彊缺刈骸雄流惡顯忠咨疑元老師

取佗朋脩學童罔琢質繡章寔天生德有漢將興尚

旦在管我君存今缺此龜艾遂尹三梁亦屯支百民

人所彰子子孫孫界介熾昌

丞沛國銓趙勳字彙伯左尉河內汲董竝字公防右

尉孺章南昌程陽字孝遂

時將佗吏名戶曹掾楊淮議曹掾李就議曹掾栢檜

戶曹史賀缺從掾位侯祖主記史吳超門下史吳訓

門下史吳翔門下史時球

光緒四年十月己丑朔廿一日己酉造

右校廂之碑隸額靈帝光和四年漂陽為其長潘君作紹興十三年漂水尉喻仲遠得之固城湖中碑今在漂水縣潘君名乾自曲阿尉來宰漂陽興學宮講賓射碑頌所由作也其間用字刻者其刀賢去其貝干戾用張者周礼士以三耦射豻戾大射礼用干字尚且在管者似謂太公周公也碑以

恭卑為俾從即送字廉即厲字樂即垂字智即智字退即退字櫛即野字賈即責字募即蔓字所即

字房

梁相孔耽神祠碑

君諱耽兄弟三人君竅長厥先出自殷烈殷家者質故君字伯本初魯遭亡新之際苗胄析離始定茲者巡尉賜以來君少治礼經遭元二軼軻人民相會舞土第茨躬菜菱蕩消形瘦脂吕養其親慈仁質楠精靜誠信天授之性飛其學也治產小有追念祖母故舞魂構於是君乎竭凱鳳吕惆悵惟慕儀吕愴恨恃闔郭藏造仕堂穿增土種柏孝心達冥平石上見魂

蛇有頃復凶放龍羅之稚救窮禽出尾小弟升高遊
 志畜積道富財貧君引共居世餘年雖賦姓如義合
 故天應厥證木生連理成體一焉下則同人上則洪
 茂馨卓流布縣請署主簿功曹府招稽議郡將烏程
 沈府君表病委職署君行事假殷孰長印黻捻領文
 書率跡皓首縣車家巷黃髡志老背有胎表孫息敖
 姚驩樂壽考觀金石之消知萬物有終始圖千載出
 洪憲定吉兆於天府目覩五匠出所營心欣悅於所
 處其內洞房四通外則長廡功賦合出世萬昌先和

五季歲在壬戌夏六月訖成於此行夫君子欽美舍
 諤如頌曰

君之德兮性自然蹈仁義兮履卦純愬隱至兮神地

存皇垂象兮本理連矜鳩獸兮放舍旃享黻榮兮景

彌宣達情性兮覩未然永億載兮傳功勳刊石祠兮

示詰賢子得述父臣得錄君故紀焉時君年七十二

習詔承詔紀行手自注石治
師同縣朱適朱祖并位畜郭

右漢故行梁相事碭孔君出神祠隸額靈帝光和
 五年立在亳州永城縣孔君名耽梁國古碭郡也

郡將沈君表病委職故耽假穀孰長而行相事謂
 之碣孔君之神祠者其祠在碣也此碑筆法頗古
 怪其文又自左而右數行之右字畫頓小其末又
 有小字數十叙孔君之年及其子歷官与石工姓
 名孔君有孝友之行致神蛇木連理之祥白首退
 休籛樂壽考其文云定吉兆於天府觀工匠之所
 營心欣悅於所處又有子得述父之句則是孔君
 自作壽藏而厥子刊石也吳雄置卒史碑有孔子
 十九世孫麟廉文學掾蘇師憲戶曹史覽又史晨

碑有五官掾暢功曹史淮守廟百石讚副掾綱故

尚書立又韓勅碑陰有從事樹太尉掾凱百石恢

處士方朝巡汎儀甫此有耽颯凡二十人孔氏譜

皆不著以聖人之后見之碑刻尚如此况它人乎

碑中輒作輒形作飛作非敲作緩胎作台卦作
 朴愬作惻從字有作從者此碑以從為迎蓋省文
 也竅即最字采即采字字即字字寔即寔字廿音
 入世音悉盍切卅音息入切漢碑俱用此數字

漢成陽令唐扶頌

君諱扶字正南潁川郟人也其先出自慶都臧赤龍
 生堯王有天下大號為唐治致靡熹尊天重民禪位

虞缺光受第土通天三統苗胄枝分相土脉居曰氏
唐爲累坂舍柱受天之怙消嗣彌光爲漢台輔君父
孝廉郎中早卒季父蜀郡蜀郡從弟會稽會稽從弟
南陽君從兄東萊大守南陽弟司空公在朝透隨正
色竭忠爲國討彙六侯俱封受土骸爵金縉十三君
繼厥緒少有岐嶷耽道好古敷書咏詩綜緯河雒底
究羣典弋紂士進守舞陽丞弱冠守昆陽尉潁陽令
隱練州郡所臨有迹迹帝嘉其德特拜郎中察能治
勳除豫章鄆陽長夷粵掄攄強難化君舊威颺武

視視目好惡變絡振疊稽賴缺服缺上前通千有餘萬
盜賊衰息境界晏然三載有成州郡諍表遷成陽令
承先醒之訶軌見讚像之高蹤遂興無爲之治優賢
颺靡表善絀惡遵九德目綏民崇晏晏之惠康風移
俗易莫不革心朝有公卓家有叅騫分邦之治優隆
於君追惟堯德廣被之恩依陵亳廟造立投堂四遠
童冠搢衣多業著錄千人朝益莫習汙衍閭閻尼父
授魯曷目復加虛禔瑞應木連理生白芎繁鳩遊君
園庭蕩蕩之治莫能名焉三司察功朝廷審真目君

威恩竝流文武兼興東萊海濱湏君臣寧詔書換君
昌陽令吏民慕戀士女惟艱捺掌君車輪不得行君
臣流涕道路琅玕迫有詔命靡由復還於是故從事
仲字仲投張躬萬龍督邛仲規郡掾閭葵仲理處
士王董頌閭葵斑等乃共刊石樹頌歌君之美其
辭曰赫赫唐君帝堯之苗氏族不一各任所安本同
末異蓋謂斯焉君體煥炳有芬有馨如山如岷嵩如
不傾如缺如海澹如不盈惟直如夫夫秉銓據衡在
朝肅肅閨門雍雍廉踰伯紉絜如珪璋賦政巧外爰

及鬼方匯夷來降寇賊逆亡黎庶攸寧黔首歡康臣
德綏撫宣恩六陽臣仁恤弱臣義抑彊恩由春夏威
如秋霜賞罰分濶白黑著明憂者閔稚不侮寡矜眇
樂道述咀嚼七經五六六七訓導若神接下施與投
財如捐吏服其德民歸其恩父父子子君君臣臣不
師自舉不拘不煩囹圄空虛國無佞民德及草虫澤
流無垠蝓飛蠕動咸賴我君顯顯令稱德音常存
光和六年二月壬午朔廿五日丙午處士閭葵斑戀
念唐君為立碑缺斑字宣高脩春秋嚴氏大子讓公

謙龍斑菜次龔尉謙治尚書毆陽次廉仲絜小夏侯
耽經史号履仁義內和陸号外查卦吕家財号讚若
號諸學^缺号相埤助垂後攻号不之譽

右漢故成陽令唐君頌篆額在濮州雷澤縣有陰
唐君名扶穎川人由舞陽丞昆陽尉穎陽令入拜
郎中出為鄆陽長自成陽令換治昌陽邑人慕戀
恩惠至於泣攀其車轍既行之后處士閻葵斑等
共立此碑靈帝光和六年也首云承先聖之洪軌
見讚像之高蹤又云造立授堂四遠童冠摠衣受

業著錄千人朝益莫習術術閭閻尼父授魯昌以
復加又云歡樂道術咀嚼七經五六六七訓導若
神所叙誨學之事其詳如此蓋溧陽潘君校官碑
之類也授堂者講授之堂五六六七者用曾點冠
者童子之文也司空者名珍熹平二年自太常拜
中常侍唐衡之弟也延熹中衡与宦官共誅梁冀
受封世謂之五侯即討暴俱封事也匯夷者匯澤
之盜也朝有公卓即孟公綽也家有參騫以參為
參即曾閔也廉踰伯尉即夷齊也分陝則反夾為

邾此用字之異者又有題名云成陽令穎川穎陰
高諱某成陽丞廣陽副史珍瑋寶蓋是刻於碑首
之旁者拂掩音如布戶不順理也碑以諍為爭
黎為黎述為術陸為睦埤為禪受即受

巴郡太守張納碑

巴郡大守都亭侯張府君功德叙

君諱納字子郎勃海南皮人也其先

字缺二

之胄立姓

定氏應天文像炎漢龍興笛侯維幹枝藁滋布竝極
爵秩君之曾祖暨其先考軌迹相繼俱字缺三州追侔
昔人卒顯其光鍾美積德寔乃毓君膺大雅之淵姿

滄丞丞之孝友綜覽賁典靡古不通察孝廉除郎中

尚書侍郎夙宵在公匪懈巧職遷甘陵寘句令親病

去官念

字缺二

復義章海內辟司空司徒府厲

字缺二

引

殷桓弗就復辟大尉舉高第拜侍御史迪謨彌諧密
靖王室楊州寇賊陸梁佗難五府表君中丞督

字缺二

武汾法所向禽殪日不移晷收功獻捷省息錢穀還

充府帑朝以

字缺四

駮震剖符守任綏慰駭散

字缺二

表

者征克大勳丙子璽書封都亭侯姬公曲阜尚父營
公周啓厥字缺五自君到官也勤思乾乾字缺二暇會菲

身約儉鳩時若麗清踰公儀絮如素絲旌甄秀異抽

拔孤字缺五以內照外貪饕餐革悔姦字缺二遐刑無斧鉞

之周行無拘絀之人胸忍蠻夷滔天蠢動乘虛唐突

字缺五忿缺斯怒爰整干戈席字缺二旣搏則有獲羣醜

惴怖絕迹幽竄字缺鎮集乖離俾寧業宇邇澹凍餒字缺八

賦出梁益頻年字缺二杼柚其空汧流轉漕穀恆輸

沮戊申詔書騰前付異道迥且艱潮字缺六上乞如舊

常童雖得字缺二家不行哨然愍悼民亦勞止繇是辭

疾闔閭委政中闕殷慈養之字缺七之怨故大尉掾王

字缺三府丞李元掾史張勤黎景馮經趙中母俊蒲勝

猶潭等庶慕奚斯字缺二之義共論叙紀著休烈刊字缺二

字頌其辭曰

字缺四薦生我君姿兼申甫懿懿字缺二帥典稽古正始

順元允恭肅恪唯禮是遵乃訓五品殷敦在寬舍字缺五

字乾化其潤如雨其主字缺二既脩沮桓道我以文且

衛殺暴建此武勛四竟宥謚群庶艾安童諳字缺三德

慕思昔在邵伯今也復字缺三穆矣卓爾超倫考冒令

問光乎憲年

康澤

卷第五

三

右巴郡太守都亭侯張府君功德叙靈帝中平五年立今在巴州張君名納勃海人碑云立姓定氏應天文像蓋謂二十八舍有張宿其不經與柳敏碑同張君為郎中尚書侍郎甘陵寬句令侍御史揚州賊作以中丞督捕封都亭侯碑有殘缺不見守巴郡事蓋在胸忍蠻夷蠢動之下此碑乃掾屬李元等為之碑陰各書曹掾之職而不稱故吏則是張君在郡之日所立

碑以汾法為紛紜以澹為
是張君在郡之日所立
豆以憲為億資即墳字態即
懈字畏即曩字家即寐字

張納碑陰

益州從事宕渠李元字次公行承事從掾位江州然存字元父主簿江州白文主記掾閬中黃機錄事掾江州王翦上計掾安漢趙瓌議曹掾宕渠李思議曹掾胸忍扶古議曹掾江州上官延議曹掾安漢陳阜議曹掾枳楊本文學主事掾任穆從掾位閬中嚴晏從掾位閬中楊地從掾位宕渠馮譽從掾位宕渠李竝文學掾閬中周貍尉曹掾安漢缺昕金曹掾宕渠缺林漕曹掾安漢缺業法曹掾江州缺洽集曹掾江州

缺 立兵曹掾江州 缺 岑比曹掾江州 缺 盛功曹史宥

渠 缺 經詩事掾宥渠 缺 訓文學掾江州 缺 阿詩事掾

充國 缺 直詩事掾枳負 缺 詩事掾枳張 缺 詩事掾宥

渠 缺 敏詩事掾枳章 缺 詩事掾安漢王業文學主事

史閭中張榮奏曹史江州董國奏曹史宥渠沈徐戶

曹史宥渠李舍戶曹史鞆江麟祖戶曹史充國李閻

戶令史鞆江宋曹獻曹史宥渠咸平辭曹史江州毋

龜辭曹史安漢陳佻賊曹史充國肯遺賊曹史江州

然雄賊曹史平都張恃賊曹史宥渠曲肖右賊曹史

枳牟梁決曹史宥渠王安右金曹史安漢范謀左金

曹史宥渠王褒左倉曹史充國楊涂右倉曹史江州

尹裴左漕曹史安漢曹巳右漕曹史鞆江田岨法曹

史江州愠益右集曹史江州張南右兵曹史鞆江夏

晉比曹史充國何鐔中部督郵安漢陳胤南部督郵

闕中王湯臨市掾閭中趙應領校安漢長江州上官

旦中部案獄閭中弘有府後替盜賊枳李街文學史

江州鈗遷守屬江州丁盛守屬江州謁恭守屬安漢

郭興守屬充國誰將守屬宥渠李平守屬充國王可

守屬安漢楊連守屬安漢邠升

中平五年三月上旬書君升台祚承大百福子孫千億

右張納碑陰題名七十有四人從事及丞則書其字主簿以下掾史並書名蓋一郡之吏也主記掾錄事掾上計掾各一人文學主事掾史各一人從掾位四人文學掾二人史一人議曹掾五人法曹集曹比曹史各一人金曹漕曹掾各一人左右史亦如之尉曹掾一人詩事掾七人功曹獻曹決曹

左倉曹右倉曹史各一人奏曹辭曹史各二人戶曹史三人戶令史一人賊曹史四人左賊曹史一人中部南部督郵各一人監市掾一人領校安漢長一人中部案獄一人府後督盜賊一人守屬八人其分職置吏如其衆且詳也漢世郡縣吏開敏有材者上之人可以察舉達而為公卿無所碍故人知自愛重犯法今日唯以鞭笞用事宜乎廉恥汨喪也

酸棗令劉熊碑

君諱熊字孟缺廣陵海西人也厥祖天皇大帝垂精

接感薦生聖明缺仍其則子孫亨之分源而流枝葉

扶疏出王別崩受爵列土封侯載德相繼卒顯缺五

光武皇帝之玄廣陵王之孫俞鄉侯之季子也誕

生照明岐嶷踰絕長缺柴守約履勤體聖心叡敷

五經之瑋圖兼古業覈其妙行脩言道缺宜京夏

莫不師印六籍五典如源如泉既練州郡卷舒委隨

忠貞缺效官缺三出省揚土流化南城政猶北辰衆

星所從三祀有成來臻我邦循東缺之惠抑缺禮官

賞進廣頑約之以禮博之以文政教始初慎徽五典

勤恤民殷缺心顧下缺仁恩如冬日威猛烈炎夏

貪究革情清脩勸慕德惠潛流曾芳旁布尤愍縣缺

濟濟之儀孜孜之踰帥廣後學致之靡泮草上之風

莫不嚮應悅誨日新缺素七業勃然而興咸居

今而好古雖未盡道善必有所由處民之秉彜寔我

劉父其人魯無君子斯焉取旃允我劉父言善誘人

講禮習聆匪徒豐學屢獲有年缺載克成神民協欣

兩不相傷故德友歸焉自古在昔先民有佗洪勳則

甄盛德缺刻表諸來世垂之罔極哀賢表善揚幽拔

徹式序在位量能授宜官無曠事缺為正以卒為

更愍念蒸民勞苦不均為位正彈造設門更富者不

獨逸樂貧者缺順四時積和感賜歲為豐穰賦稅不

煩寔我劉父吏民愛若慈父畏若神明悔缺令德清

越孤竹德年產竒誠宜褒顯照其憲則乃相缺咨度

諏詢采撫謠言刊缺詩三章其辭曰

清和穆鑠寔惟乾以惟德降靈篤生我君服骨畝聖

允鍾厥醇誕生岐嶷言協缺墳懃德震耀孝行通神

動履規繩文彰虛續成是正服以道德民

有父子然後有君臣理財正辭束帛缺夢刺像

霍鳴一震天臨保漢寔生缺勲明試賦授夷夏已親

嘉錫來撫潛化如神其神伊何靈不傷人

猗歟明哲秉道之樞養缺之福惟德之偶淵乎其長

渙乎成功缺暇民豫新我缺通用行則達以誘我邦

賴茲劉父用說其蒙澤零年豐黔首歌頌

右酸棗令劉熊碑篆額右一行微有棗令劉字則

知所題非十即八也碑云出省楊土流化南城三

祀有成來臻我邦則酸棗非始仕之地碑美其勤
恤民隱恩威並行帥厲后學善誘日新至叙力役
之事尤詳其辭云以卒為更愍念丞民勞苦不均
為作正彈造設門更富者不獨逸樂貧者得順四
時積和歲豐賦稅不煩可見劉君茲事尤為民便
故百姓以劉父稱之碑之所以作也以卒為更之
上有為正二字而闕其餘董仲舒云月為更卒已
復為正小民安得不困注云更卒謂給郡縣一月
而更者正卒謂給中都官者西京更有三品後雖

改易官不得人則害常自若也水經云酸棗城有
縣令劉孟陽碑今碑損其一字歐陽公不知碑在
酸棗元以名其官遂謂之俞鄉侯季子碑趙氏云
光武子廣陵王荆以譴死李利涉編古命氏云荆
生俞鄉侯平平生彪鬣封據此熊當為彪之弟然
則於光武乃其曾孫而曰玄孫碑之誤也唐王建
題此碑詩云蒼苔滿字土埋龜風雨消磨絕妙辭
不向圖經中舊見無人知是蔡邕碑元祐中蘇邁
書胡戡之語謂此与劉寬碑同建詩為不評予謂

此固漢隸之上品似非中郎筆法其文有云七業
勃然而興咸居今而好古其詩則曰有父子然後

有君臣文律如此難以謂之絕妙辭也碑以專為
享殷為隱

究為亢踰為諭偶為隅
鶴在鳴上省文作雀

劉熊碑陰

故徵試博士缺故華長蘇真缺華長戴耀缺故上計

掾缺故郎中諱弘缺寵三百故亮州從事仇審季缺

三百故缺事君仇方孟飭三百故外黃守令尹松大

德五百故雍立守令李保世德三百故雍立守令缺

穆元憲三百故外黃守令李卓卓異三百故守東昏

長蘇勝德陽二百故五百掾王暹宜孟二百故雍立

守令王習赫河三百故督郵左位宣高二百故督郵

李瑯景德二百故督郵李激景臺二百故督郵蘇翔

山甫二百故督郵楊茂季曾二百故督郵顏亮光祖

二百故郡曹史李豫妙高二百故郡曹史顏詩惠祖

二百故郡曹史楊禕世直二百故郡曹史王仁公直

二百故郡曹史王貢赫臺二百故郡曹史蘇寧寧缺

二百故郡曹史仇惟彦成二百故郡列掾李表憲臺

二百故郡文學李義子仁二百故後儀守丞李璜伯
瓌二百故字缺二守丞仇邵景傳二百故陳苗守尉樊
殖仲舉二百故河隄逆事缺萬世字缺三故河隄逆事
李備彦字缺三故澆州書佐尹維彦真五百故雜仝守
尉李謙子山二百故外黃守尉誠咸升卓二百故功
曹尹慎元節二百故功曹邴瞻世高二百故功曹蘇
信君咨二百故功曹馬昂卓舉二百故功曹三頌季
寧二百故功曹尹真元真二百故功曹馬汜解卿三
百故功曹蘇儁文雅二百故功曹蘇缺景真二百故

功曹楊缺仲紀二百故功曹毛儀雅方二百故功曹
李儒公林二百故功曹蘇奉奉祖二百故功曹皮周
雅真二百故功曹楊芬伯曾二百故功曹顏規孝舉
二百故功曹殷備山祖三百故功曹常周彦周二百
故功曹田宣宣孟三百故功曹仇缺彦博二百故功
曹左鳳彦皇五百故功曹李性孝慈三百故功曹李
護子讓三百故主簿衛宣宣臺二百故主簿張芝缺
真二百人缺一逆掾位李奉奉明二百逆掾位字缺二子
然三百逆掾位尹彬雅方三百逆掾位王東公舉三

百從掾位左宜扶風二百從掾位景殖缺敬二百從
 掾位張除缺二百從掾位張臨缺二百從掾位
 李榮彦德二百從掾位左脩敬祖三百從掾位宋盖
 季甫三百從掾位馬萌子明二百從掾位陳揖文讓
 二百從掾位彭來缺祖二百從掾位擗橫公節三百
 處士宋缺仲博三百處士許宗文祖二百處士李相
 成祖二百處士王鳳德升三百處士焦鳳德皇二百
 處士顏缺子礼五百處士尹官彦高二百處士蘇位
 雲臺五百處士李勝子才三百處士紀珪孝范三百

處士董悝彦臺五百處士蘇瑋孔彦五百處士屈孔
 子瑋三百處士李紉奉和三百處士缺彦宜五百
 處士尹茂孔才四百處士尹瑋彦璜五百處士尹缺
 德橫五百處士殷郁缺德二百處士李礼公儀三百
 處士邵畱孔才五百處士崔鵠孝才五百處士缺二
 昭明三百處士殷經德明三百處士雄桐景直五百
 處士韓庠元序五百處士尹愷孝讓五百處士尹雄
 雲臺二百處士許將彦榮五百處士王缺德讓五百
 處士殷智彦直五百處士殷沉元像二百處士楊商

學字缺子缺好學左重彦松好學李漢子漢好學李

泰子缺好學尹字缺二好學衛阿子缺好學江真子真好

學趙缺子賢好學李壑子壑好學字缺二吉甫好學張

侶缺好學擗缺子和好學李周子周好學王禰子

祿好學翟馮子缺德行蘇倉子盈缺好學缺好缺好

缺好缺

右劉熊碑陰其可見者百八十人不書郡邑皆酸

棗人也其稱故華長故雍正令之類則邑之薦紳

大夫也其稱故邵文學故留郵之類則嘗吏於郡

者也其稱逆掾位則酸棗之吏而不稱故吏則可

見劉君之左官也處士之后有好學四十餘人必

泮宮之后進以處士為丈人行者其間有德行一

人必是嘗貢考察廉者



字國聖淑臣朝失貞良同字缺四吏無字缺四瞻學者靡

字缺六紀德字缺二生有爵號歿缺其功字缺二追字缺二即

辭云

惟君東脩仁知缺興門缺發政缺然字缺三爾字缺五風

兼體字缺二明折幽通言信行篤謙廉允躬字缺一不字缺三

字不憚人缺勇匪石外和內公疾遁曲缺詭隨字缺十

通字缺二義命粟肅以缺理政治孝親忠君缺嘉命挽

缺敬應字缺八股肱耳目字缺四彈缺到枉茹剛吐柔五

官功轉骨體之臣字缺二嚴字缺二祖之貞史任之直公

缺浩清辟卅逆事缺邦之雄喧動萬里卅郡位升察

舉孝廉百國之宗能文繡缺於缺心字缺四光缺帝庭

字缺五問股肱龍升鳳翔進退缺便字缺二公劉姿字缺六

益缺昌字缺四逝字缺二降幸百遺共氣京師鄂驚

皇帝賻字缺五大字缺三其福字缺五興缺軌缺端剖苻北

海字缺二所字缺六寇攘字缺二而有字缺二曷字缺兮

缺曰字缺一孔字缺一曰字缺二子字缺四無傷兮異色缺艾

知命亡兮不缺百字缺四兮字缺七更去字缺一是其缺

兮字缺一動後昆芳缺將兮字缺一永昌兮紀此銘

右故謂者景君墓表隸額景君任城人以安帝元
 初元年卒石磨滅可讀者纔數句碑陰有諸生服
 義者十五人即立碑之人也東都自路都尉始見
 墓闕蓋表阡銘壙之濫觴也有文而傳于今則自
 景君始其分行布字已井井有法題首七字波勢
 清逸有八分之骨惟皇帝賻三字特出於誌文之
 上齊葬穆妃議立石誌王儉以為非禮經所出元
 嘉中顏延之輩為之遂相祖述爾梁任昉作文章
 緣起又云墓碑自晉始予考鄆氏水經所載漢刻

已不少後魏與齊梁時相先後也豈碑碣多在此
 方南人未之見乎然郭林宗傳云林宗既葬同志
 者立碑蔡邕為其文謂盧植曰吾為碑銘多矣唯
 郭有道无愧色史稱王儉晉宋以來故事儀典諳
 憶無遺每博議引證先儒无能異者范書所載豈
 不知之今漢人墓刻猶存數十百碑其云始於晉

宗非也碑以刊枉為糾
枉鄂驚為愕驚

景君碑陰

諸生服義者

義士北海劇張敏字公輔弟子濟北茌平甯尊字伯
尊弟子山陽南平陽方京字孟平弟子濟北茌平吳
良字威賢弟子齊國臨菑宋成字子賓弟子齊國臨
菑劉封字漢輔弟子魯國卞呂昌字永興弟子樂安
高宛牟龍字文士弟子清河靈劉翼字仲禹弟子清
河靈孟訢字輔公弟子清河靈孟福字村道弟子魏
郡丘田朗字季持弟子魏郡內黃景茂字元愷弟
子山陽湖陸尹倉字升進弟子山陽湖陸董舊字元
夜

右景謂者碑陰義士一人曰北海張敏碑中若有
剖符北海字其文斷續難考餘人皆稱弟子則傳
道受業之人也墓之有碑所以紀功述德昭垂後
世者也一時賓客因以刻名其陰託之不朽爾今
景君之碑淪碎不復成章而碑陰諸人姓名略無
刻缺物之不可預期如此

郟令景君闕銘

惟元初四年三月丙戌郟令景君卒以五年二月
序君存時恬然無欲樂道安貧信而好古非法系

四缺

言治歐陽尚書傳祖父河南尹父步兵校尉業門徒
 上錄三千餘人明明側陋遠近照聞缺司聘請添化
 下邳未極孝績續母棄之子無隨沒俯就禮畢故府
 復請司空大常博士竝舉高經君為其元假涂邾缺
 姦耶洒心澄激清靜英書哀嘆幸缺黃耆終始無虧
 被病垂身歸于幽冥祖載之日游魂象生玄路皆缺
 朱艸字缺二達巷方軌涕泣賁缺諸生服義百有餘人
 迺刻屯石紀行缺見缺懷德聞自嘆吟千秋萬世
字缺二為字缺二考積德字缺四堂壇羅缺闕缺豎魂而有

靈缺無缺

右邾令景君闕銘諸生服義者所立景君歷下邳
 邾兩邑以安帝元初四年卒墓有雙石闕其一刻
 此文在濟州任城縣南景君三世傳歐陽尚書高
 第編牒至三千人公卿皆以為明經舉首亦顯門
 之耆儒也碑既不載其名儒林傳唯有廣漢景鸞
 乃治齊詩施氏易者范氏罔羅踈略蓋不止一邾
 令也惜哉真即棄字
真即冥字

國三老袁良碑

君諱良字厚卿陳國扶樂人也厥先醫留壺為封君周之興虞闕父典陶正嗣滿為陳侯至玄孫澹塗初氏父字立姓曰袁魯僖公四季為大夫哀十一季頗佗司徒其末或適齊楸而袁生缺獨笛陳當秦之亂隱居河洛高祖破項寔從其冊天下既定還宅扶樂孝武征和三年生曾孫幹斬賊公先勇拜黃門郎封關內侯食遺繩六百戶後錫金紫僂脩城之鮑幹薨子經嗣經薨子山嗣傳國三世至王熒而劉君即山之曾孫續神明之洪族資天息之清鼎幃綜易詩而悅

禮樂舉孝廉郎中謁者將佗大匠丞相令廣陵太守

討江賊張路等威震徐方謝病歸家孝順初政咨缺

字白三府舉君徵拜議郎符節令時元子光博平令

中子騰尚書郎少子璋謁者詔書壁缺可父事羣

司以君父子俱列三臺夫人結髮上為三老使者缺

節安車親缺几杖之尊袒割之養君寔饗之後拜梁

相帝御九龍殿引君對覲與酒飯賜飲宴

冊白頃者連遇運害災祿備至陰陽不和寒暑不節

皆孔子制義承奉嗣有興盛之福憚期即致來咎之

變朕以妙身襲繼業二九之式今直其際圖記占

缺恒在藩國自先帝至德猶有十七國之謀蓋治在

者不諱其難朕追慕社稷之重恐有交會諸國王侯

開導以驕滿之漸令姦邪因緣生慝相以顯選簡練

內升管掌符竟惠撫我民故連拔授不問勳次典郡

職重親執經緯隱括在手注者至尊發縱於平陽清

約藩輔其節衍然忠臣之義有獻善云去否其加精

微澗切防繇朕疚心以式今特賜錢十萬雜繒廿匹

壬王具劔佩書刀繡文印衣繡極手巾各一注悉乃

心勉密協同便宜數上君子曰優取之寵於斯盛矣

宰縣治郡羸民不思載八十五以病致仕永建六年

二月戊辰卒居罔室廬殯于假館管行父平仲小國

之卿其儉猷稱况漢大夫父子同升而羸環堵不遭

企嗣實錄之時使前詰孤名而居獨立於是厥孫衛

尉滿司徒掾弘缺鹵刊石位銘其辭曰

飛清邈紛其厲跨高岫山鋪雲際位帝父振淫滅登

華龍眺天坐酌不揮凱以邁民被澤艷畿又才本息

曜其碣缺煌煌數萬立

魏書

石漢故國三老袁君碑篆額在開封之扶溝袁君名良歷郎中謁者將作大匠丞相令廣陵太守議郎苻節令國三老梁相以順帝永建六年卒其孫衛尉滂立此石滂以光和年為相其作九卿當在靈帝之初水經云扶溝有袁梁碑者悞也趙氏云唐宰相表及元和姓纂云袁幹封貴鄉侯八世孫良生昌璋昌生安璋生滂按袁安以永平四年薨良之卒猶在其后三十九年又安乃汝南人滂則陳郡人相去歲月甚遠鄉族皆不同乃以為從父

兄弟踈繆甚矣諸書皆云幹以討公孫勇功封貴鄉侯而碑作公先勇又云封關內侯食遺鄉六百戶皆莫可考趙氏辨安滂非全祖其論詳矣然遺鄉侯事蓋在田廣明傳中傳云故城父令公孫勇謀反衣繡衣乘駟馬車至圍圍使小史侍之知其非是守尉魏不害等共收捕之上封四人為侯小史竊言上問之對曰為侯者得東歸否上曰汝鄉名為何對曰名遺鄉上曰用遺汝矣於是賜小史爵關內侯食遺鄉六百戶小史即幹也碑云僊脩

城之鄣者以僊為遷蓋遺鄉其后徙封也碑云袁
 生當秦之時隱居河洛高祖破項寧從其策太史
 公書高祖之出滎陽收兵欲東袁生說帝深壁武
 關令滎陽成臯間且得休使韓信等輯河北趙地
 連燕齊帝從其計碑所書二事皆與史合惟班史
 以袁生為轅生左傳載濤塗頗皆作轅古字通用
 也梁相之冊其文甚溫厚漢志載陰陽交會有陽
 九陰九之厄此云二九之戒似謂此也張平子賦
 云合二九而成譎謂王莽十八年而成變計此冊

蓋憲藩方或有七國之難且云恐有交會非用新
 室事也元帝窮極幼眇讀曰要妙此云妙身繼業
 者讀妙為眇也碑以辟為辟以猷為猶楸即楚字
 即劬字注即往字測即測
 字取即賢字注即沙字

北海相景君銘

惟漢安二年仲秋缺二故北海相任城景府君卒歟
 欽哀哉國缺二賈英彦失疇列宿虧精晚學後時于
 何穹倉布命授期有生有死天寔為之豈夫仁括彼
 剋不遺於是故吏諸生相與論曰上查犀后莫不流

光缺吟無窮毋芬耀吟書篇身歿而行明體正而名
存或著形像吟列圖或數頌吟管字諒字後來詠其烈
竹帛叙其勲弓佗誄曰伏惟

明府受質自天孝弟淵懿帥禮蹈仁相道核藝抱淑
南真晶白清方勉已治身寔深寔副弓武弓文遵孝
孝謁假階司農流息元城興利惠民強衙改節微弱
蒙恩威立澤回化行如神帝嘉厥功授弓符命南郡
益州路遐攀親躬佗遜讓夙宵朝廷建英忠謹辨秩
東河壘追嘉錫據北海相詔城十九超鄰超歸向分

明好恩先吕敬讓殘偽易心輕黠踰竟鴟梟不鳴分
子還養元二解寘蒙祐吕寧蓄道循息缺祉吕榮紛

紛令儀明府體之仁義道術明府膺之黃朱詔父明
府三之台輔之任明府宜之吕病被徵委位致仕民
缺思慕遠近搔首農夫醒耒商人空市隨輦飲淚奈

何朝廷奪我慈父去官未旬病弓困危珪璧之質臨
卒不回缺歎缺霄絕奄忽不缺孝子愷悍顛倒剝摧遂
缺勉寤永潛長歸州里鄉黨踴涕表哀故吏忉怛歎

欵俚徇四海嗣蓋驚憧傷裒大命缺期寔惟天缺明

主設位明府不就臣子欲養明府弗留歎欵哀哉

商曰考積幽宥字缺三兮字缺四翔議詔兮再命庸將綏

元三兮規英槩謨主忠信兮羽衛藩屏撫萬民兮四缺

字缺二兮宜參鼎鞮缺幹禎兮不永廩壽其臣子

兮仁敷海外著甘棠兮缺石勒銘缺不亡兮

右漢故益州太守北海相景君銘篆額濟州任城

有景氏三碑皆不著其名字景君嘗屬司農宰元

城刺益部相北海以順帝漢安二年卒其前已有

誄曰其后有商曰者亂省其也其文曰宜參鼎

鞮字書无鞮字當是借作拂取輔拂之義趙氏云

碑陰載故吏自都昌台止暹而下十九人皆作脩

行漢隸循脩二字頗相近恐是借用尔予盖未見

也碑以倉為蒼以深為森以澣為潔以醴為釋以

字棟為慟以縻為眉盾即質字孿即戀字愬即

敦煌長史武斑碑

建和元年大歲在丁亥二月辛巳朔廿三日癸卯長

史同缺下

敦煌長史武君諱斑字宣張晉殷王武丁久伐鬼方

元功章炳勳威王府官族分析曰以為氏焉武氏蓋其後也商周假蕞歷世墮遠不隕其美漢興以來爵位相踵缺朝忠臣君弟缺顏閔之楹質長敷旂夏之文學慈惠寬缺孝友玄妙苞羅術藝貫洞聖缺博兼缺二缺耽綜典籍缺三缺純求福不回清聲美行闡形遠近州郡貪其高賢缺二缺請以缺二缺歲舉缺翼紫宮缺詔除光顯王室有缺於國帝庸嘉之掌司古缺領校祕鄆研缺幽微追昔劉向辯賈之造比缺萬矣時戎缺二缺匡正缺一缺二缺朝廷惟憂缺二缺有司缺二缺舉君

斑到官之日缺痛吏士哮牖之怒薄伐缺九缺並百姓賴之邦域既寧久勞于外當還本朝以叙左右以求嘉元奉缺月缺日遭疾不缺哀缺於是金鄉長河間高陽史恢等追惟昔日同歲郎署感缺為自古在昔先聖與仁缺二缺興替缺二缺人存生榮死哀是缺萬幸伊君遺德缺孔之珍故缺石銘碑以旌明德焉其辭曰於惟武君允德允恭受天休命積祉所鍾其在孩提岐嶷發蹤謙缺守約唯誼是從孝深凱風志絜羔羊樂是缺二缺恬此缺光孳孳臨川闕見缺庸席仰冀

康澤 卷第六 十二

首微妙玄通缺然清邈字缺六升缺為帝股肱扶助大

和萬民鹵蒙顯宗字缺二史官書功昊天上帝降茲鞠

凶晦忽祖逝字缺四不享缺耆大命字缺二百遺惟缺后

帝感傷學夫聖師士女悽愴缺表金門令問不忘垂

缺後昆萬載歎誦

尚書丞沛國蕭曹芝缺宣成武令中山安熹曹种字缺二

字豐令下邳良成徐崇字缺二故陳留府丞魯國魯字缺四

防東長齊國臨菑字缺紀伯允書此碑嚴祺字伯曾

右故敦煌長史武君之碑隸額在濟州任城武君

名斑字宣張從事梁之猶子吳郡府丞開明之元

子執金吾丞榮之兄也以冲帝永嘉元年卒碑者

後三年同舍郎史恢曹芝六人所立字小石損官

壽殘失威宗建和之元年開明為其兄立闕刻其

傍云宣張仕濟陰年二十五曹府君察孝廉除敦

煌長史被病夭歿苗秀不遂闕以二月癸丑作碑

以二月癸卯立相去浹辰之間爾碑云金鄉長河

間史恢等追惟昔日同歲郎署歲字雖不瞭然考

柳敏碑云縣長同歲健為趙臺念素帛之義為君

立碑則知此為同歲無疑蓋謂同年為寮也漢碑
多門生故吏所立至於同舍為之者唯武斑及柳
敏兩碑夫一死一生而寮友之好不變如此彼有
並游誣其懷金身後不能清酒者不可同日語也

碑以假為遐以擴為曠以存為游
以鄭為與以瞻為奄以道為寮

從事武梁碑

闕故從事武掾掾諱梁字綏宗掾體德忠孝岐嶷有
異治韓詩經闕幘傳講兼通河雒諸子傳記廣學甄
徹窮綜典闕靡不闕覽州郡請召辭疾不就安滄門

之陋樂朝聞之義誨人呂道臨川不倦恥並雷同不
闕權門季踰從心執節抱介終始不貲彌彌蓋固大
位不濟為眾所傷季七十四元嘉元年季夏三日遭
疾墮靈烏雩哀哉孝子仲章季章季立孝孫子倚躬
循子道竭家所有選擇名石南山之陽擢取妙好色無
斑黃前設礮礮後建祠堂良匠澗改雕文刻畫羅列
成行攄騁技巧委蛇有章垂示後嗣萬世不亡其辭曰
懿德玄通幽呂明子隱居靖靈休曜章子樂道忽禁
垂蘭芳子身歿名存

闕四字

右從事武君碑在濟之任城武君名梁以威宗元
 嘉元年卒孝子仲章等立此碑輿服志古者有冠
 无幘秦後稍稍作顏題漢文廼崇其中為屋未冠
 童子幘无屋者示未成人也此碑及武榮碑皆有
 闕幘傳講之文盖謂其未冠之年已能傳道講學
 也武君屢辭辟召不闕權門踰七望八爵秩不躋
 故銘文無可鋪叙而其後云孝子孝孫躬脩子道
 竭家所有選擇名石南山之陽擢取妙好色無斑
 黃前設壇墀後建祠堂良匠衛改雕文刻畫羅列

成行摠騁技巧委地有章若曰松菽窶窶之事不
 應辭費如此此碑長不半尋廣纔尺許既无雕畫
 技巧亦非羅列成行其辭決不為碑設也詳味之
 似是拍石室畫像爾碑中似即武字遭即遭

平都相蔣君碑

君諱缺字缺二其先出自缺二后稷之缺至於成王
 先有天下錫地缺畿俾侯于蔣曰而缺九秦缺二諸
 夏缺三恥捐缺二土缺三烈曰缺遐阻缺居采南適
 彼荆缺四漢君之祖考缺四為交州刺史從父交趾

大守缺能輸力王室以薦臣節功列天府令問不已

君纘厥緒載德不字缺山之字缺秉字缺之芳刑膺

顏夏之殊行孝友著於閨門弟順稱于鄉黨敦書說

禮字缺好仁字缺事字缺學優則仕歷郡五官掾功

曹正色立於朝有孔父字缺前後牧以礼辟命委質

承字缺行成於内名播于外再為計掾光充搞搞與

乃時京師百郡覲會莫不字缺中昭字缺之則

夙收惟寅字缺翼天字缺禮朝邈明德出宰豫章平

季文之清約字缺約之政布愷悌之化經國以

禮字缺以義異郡黔首緇負歸字缺君文不犯順武

不違敵賞善罰否寬猛協中字缺濟清瑛遵五迸四仁

慈春夏威若字缺威囹圄空虛路靡怨字缺睦宇宙

稱平三載考績功業顯明當據符字缺受福無疆字缺天

不弔降灾賢良字缺六十有五元嘉二年三月甲午卒

遭疾不豫字缺卒于官國喪惠君朝失楨幹百字缺悲恨

若鄭亡產遐邇字缺女增歎字缺曹怛字缺罔極字缺

愛敬終以哀感禮畢祥除餘悲憑億瞻望墳塋循

墓徘徊松柏字缺寘涕泣愴悽感慕詩人慕慕者儀追

頌遺訓刊之玄珪其辭曰

於穆林丞寔乾所生字缺二挺出缺性純清文為儒宗

武則于城顯顯昂昂臨朝有光宿衛紫微受恪在勤

典國治民其化若字缺三州郡字缺二龜銀皇矣上帝賦

命不均喪漢良輔社稷之鎮淑人君子胡不萬年改

世不朽缺不後昆

右漢故平都侯相蔣君之碑篆額今在道州碑石

湔滅不得其名字平都侯國屬豫章郡碑有出宰

豫章平五字其下闕文即平都也蔣君以威宗元

嘉二年卒其文有云禮畢祥除瞻望墳塋則此碑

乃後來所立學記蛾子時術左傳蛾析皆讀蛾為

蟻史記索隱讀淳化鳥獸蟲蛾亦作蟻漢碑書慕

我皆作慕儀亦有作慕義者詩人吟儀與河阿叶

韻則是讀儀為俄也此以慕慕者儀叶涕泣愴悽

刊之元珪則又讀如本字大學云逆諸四夷釋逆

為屏后漢傳有遵五逆四之文此碑亦狀蓋漢人

傳魯論有如此者碑以芳刑為芳形搞搞為矯

孔謙碣

孔謙字德讓者宣尼公廿世孫都尉君之子也多體
 蘭石自然之姿長膺清妙孝友之行禮述家業脩譽
 秋經升堂講誦深究聖拾弱冠而仕歷郡諸曹史季
 廿四永興二年七月遭疾不禱

右孔謙碣其名不甚可辨考孔氏譜得之所謂都
 尉君者太山都尉宙也孔融別傳云宙有七子融
 之次第六載於譜錄者惟有謙裒融三人裒之名
 見史晨碑

郎中鄭固碑

君諱固字伯堅著君元子也含中和之淑履履上仁
 字缺三孝友著乎閨門至行立乎鄉黨初受業於歐陽
 遂窮究于典籍膺游夏之文學襄冉季之政事弱冠
 仕郡吏諸曹掾史主簿督郵五官掾功曹入則腹心
 出則爪牙忠且衛上清且自脩犯顏蹇悍造膝俛辭
 加且好成方類推賢達善遠遁退讓當世且此服之
 邦后珍瑋且為儲舉先屈計掾奉我缺貢清眇冠乎
 羣彥惠能簡乎聖心延熹元年二月十九日詔拜郎
 中非其好也且疾錮辭未滿期限從其本規乃邁凶

愍年卅二其四月廿四日遭命墮身痛如之何先是君犬男孟子有楊鳥之才善性形於岐嶷字缺二見於。猨既年七歲而反大君夫人所共哀也故建缺共墳配食斯壇呂慰考妣之心琦瑤延呂為至惠不紀則鍾鼎奚銘昔妣字缺二武弟述其兄綜字缺四行於蔑陋猷冒敢忘乃刊石呂旌遺芳其辭曰

於惟郎中寔天生惠顧親誨弟虔恭竭力教我義方道我禮則傳宣孔業佗立幙式逆政事上忠呂自勛貢計王庭華夏歸服帝用嘉之顯拜殊特將從雅意

色斯自得乃遭氛災墮命顛沛家失所怙國缺忠直俯哭誰訴叩喙焉告嗟嗟孟子苗而弗毓奉我元兄脩孝罔極魂而有靈亦歆斯勒

右漢故郎中鄭君之碑篆額鄭君名固威宗延熹元年卒固以曹掾事其郡將而云犯顏謬造膝詭辭漢人用事不拘尋如此秦紀引賈生去九國之師遂巡遁逃而不敢進陳涉世家則刪遂巡二字班史又作遁巡故顏師古讀遁為遂而詎潘岳用遁逃為非游俠傳遂遂有退讓君子之風此云

遂遁退讓蓋用史記語歐讀遁為循趙又惑於顏

注予謂皆當讀如本字

以悖為諤以侘為詭以錮為固以幙為模質即質

字獸即獨字昂即曷字助音愒

議郎元賓碑

上字元賓魯相之孫成德

四東安平令北海相

守之弟子中牟令兄子也君生也即有殊摻循孝行

下鄉黨乾乾積善念於濟人故多疇宗親受爵位者

皆也加有聰明叡括之才博五經之滋味覽羣書

之要下圖藉摘翰著作時人莫能豫其思辯論

二

文章爛下孝廉亢弘名於三署揚清厲於海內除倉

龍司馬詔下試經第一衛尉察尤異遷吳令憲春陽

以加惠則陰下擊有高宰鄭見思之歌視事二稔民

用寧康以不媚下雲之高翻署色斯辟州從事雖進

缺退不枉尺直搢下畢聖朝旌勲公車徵拜議郎當

豐缺姻媾光國興家下毓穢我良人奉廿八延熹二

年二月缺卒天子聞下咨嗟使者臨弔賻賜特加

於是族舊門人莫不傷瘁下立銘以詠君德其辭曰

上缺無倫揚休毅為三臣播忠冊列帝庭名顯章

三字

康澤

卷第六

二十

光四下缺建靈石岳鴻勳昭來据示後昆

右議郎元賓碑在亳州碑無額故不得其姓石缺
又失其名元賓以孝廉入三署除倉龍司馬衛尉
察尤異遷吳令辟州從事召拜議郎以威宗延熹
二年卒漢宮掖門每門司馬一人比千石蒼龍司
馬主東門蓋衛尉之屬也元賓為九卿所察由千
石而治縣時以為遷近歲亦嘗詔從臣薦士矣皆
超授二千石刺史而不以為過其肯以千石中都
官而出宰百里者乎碑云有高宰鄭即國儁也翻

翬色斯則以翬為翬枉尺直搨則以搨為尋也即搨

中常侍樊安碑

漢故中常侍騎都尉樊君之碑

君諱安字子仲南陽湖陽人也厥祖曰仲山父翼佐
周宣出納丕命為之喉舌呂鉞中興食采于樊子孫
氏焉亦世載德守業不虧在漢中葉薦生据媛佗合
南頓實產世祖征討逆畔復漢郊廟而樊氏呂帝元
明顯受第土封寵五國壽張侯呂公德加位特進其

次竝呂高毅處卿校侍中尚書據州典郡不可勝載
為天下著性君為呂好學治韓詩論語孝經兼通記
傳古今異義甘貧樂約意不回感天姿淑慎稟性有
直秉操不移不呂覬貴世政促峻邑宰竄識惴賢沒
德被呂勞事然後慷慨激憤宦于丞室歷中黃門充
從假史拜小黃門小黃門右史遷減府令中常侍其
事上也貞固密慎矜矜戰戰位主股肱助國視聽外
職不誣內言不泄為近臣楷模是呂兄弟竝盛雙據
一郡宗親賴榮年五十有六呂永壽四年二月甲辰

卒朝思其忠追拜騎都尉寵呂印紱英書哀歎贈
有加嗣子還寔呂為弱夙叙丞爵而喪所天禮備復
位呂延熹三年冬十有一月自上丞祭乃尋惟烈考
恭脩之懿勒之碑石俾不共隧其辭曰
肅肅我君帝躬是翼丞事多難我君是力秉此小心
呂亮皇職惟帝念功庸呂輿服大命傾霄魂神僊伏
龜艾追遷用光其德藹藹遺稱位呈位式勒銘茲石
猨示罔極勲名不剝永昭千億

制詔中常侍樊安宿衛歷年恭恪淑慎嬰被疾病不

牽蚤終今使湖陽邑長劉搽追弼安為騎都尉贈印
綬魂而有靈嘉其寵榮烏呼哀哉
延熹元年八月廿四日丁酉下

右漢故中常侍騎都尉樊君之碑無額書其首行
如此樊君名安字子仲歷中黃門冗從假史小黃
門小黃門右史臧府令中常侍漢志有中黃門冗
從僕射而無假史有小黃門而無右史蓋闕文也
安以威宗永壽四年卒其子以延熹三年仲冬祭
祭畢始刻此碑其末又載延熹元年八月丁酉贈

騎都尉詔趙氏遂以碑為元年所立而歐公云字
子佑皆誤也壽張侯者名宏碑在唐州湖陽三五
十年來推拓已漫滅其半矣治平中縣令樂京亦
嘗為之再刻碑以公德為功德著性為著姓失遂
為失墜作呈為作程感即貳字礲即
漱字憤即憤字尤
即冗字蚤即蚤字



隸釋卷第六

隸釋卷第七
 山陽太守祝睦碑
 泰山都尉孔宙碑
 荆州刺史度尚碑
 沛相楊統碑
 冀州刺史王純碑
 車騎將軍馮緄碑
 竹邑侯相張壽碑

隸釋卷第七

冀州刺史王純碑

山陽太守祝睦碑

泰山都尉孔宙碑

祝睦後碑

荆州刺史度尚碑

車騎將軍馮緄碑

沛相楊統碑

竹邑侯相張壽碑

冀州刺史王純碑

君諱純字伯敦魏郡太守之子其先出自

缺五後也

厥祖儒宗

缺二

春秋君天資才敏行不啓而達學不

勞而能遵父業術

缺三

始仕事君立朝正色

缺二恂

智宣慈惠和以喪州從事永和二年察孝廉除郎謁
者執法撻牘舊筆憲臺直過發無任見徒掌錄遣之
或有罪過微刑輕笑淙君字缺二坐行惡調疑閱其粥
糜凍餒之患勅大司農衛易衣痕慙隱缺至恩加窮
民其三年有九夷之難出將征西君請詔喪豫督趣
軍糧其所過歷彈正字缺三赫馨烈宣于方國拜守宮
令以父司隸還謁者官遷左都候喪父服除復拜郎
敬北字缺三失妹寧歸遂釋印紱司空辟舉高第選侍
御史出使楊州聖朝嘉君旋拜徐州涿化甘棠缺過

宥罪政尚寬弘視事二載換在冀州西征東怨紀歌
遺風以公事去官窮則樂善達則缺人進則延賓分
祿退則却掃閉門年五十九延熹四年八月廿八日
甲寅不缺隕沮五年十一月十八日丙申葬存有令
跡亡述存勲銘載金石永世不刊其頌曰
負矣王君有靈之冑封陳興齊枝葉繁茂君綜典謨
無道不究從政履規在公竭謀登翼缺臺文武蕪備
發政舉刑親恤字缺二將西征字缺二命使缺善紬不聖
朝嘉異牧徐宰異惠字缺三邊則字缺二澹缺不字缺四朽

康釋
卷第七
并

不永年壽縉紳凡百孰不哀思

右漢故冀州刺史王君之碑篆額王君名純在朝
歷郎謁者左都候侍御史出刺徐冀二州以威宗
延熹四年卒其文有不可讀者頌辭某將西征之
上少一字水經云須句西有冀州刺史王紛碑中
平四年立年与名皆誤也趙氏云碑陰有東平馮
定伯凡百餘人可識其題義士云各發聖心共出
義錢予未之見也碑在鄆州中都縣衰即亮字
痕即裝字

山陽太守祝睦碑

君諱睦字元德濟陰已氏人也其先蓋高辛氏之火
正以能淳曜天地曰祝融遂獲豐阜之朧輝裔昌遠
大乃侯伯分仕諸夏鄭有祝聃者君其胤也君膺麻
懿量在約淵澹潛心耽學該洞七典探嘖窮神無物
不辯缺二
字州郡以孝貢察賓于玉庭除北海長史穎
川郎令道濟以禮三載之後而民知讓有恥且恪君
惟老氏名遂身沒色斯翻翔紆精衡門缺三
字道缺事
諮度辟司空府北軍中候拜大尚書尚書僕射喉舌
納言翼皇正樞遷常山相山陽太守齊和五品崇化

以寬昭德塞違本訓其仁抽拔隱伏缺賢式禮缺二

彼堪九功以著當享繁祿為帝幹楨年六十有八延

熹七年八月丁巳卒臨困紆纒遺令素櫬萋萋以席

賻賵非禮嗇不得犯存無玩飾亾道以儉所謂守終

純固者已蓋銘功紀勛所以旌往示來於是迺共登

山鐫石刊勒鴻伐其辭曰缺

懿我君國之光履忠順闡道常升紫微平機衡統缺

字缺興律章撫二郡踰召黃恭儉已民用康紹頌興詠

遺缺卒稱頌垂令芳生見樂歿不忘名儼日億載揚

右漢故山陽太守祝君之碑篆額祝君名睦濟陰

人歷北海長史郾令北軍中候尚書尚書僕射常

山相山陽太守以威宗延熹七年卒碑云導濟以

禮有恥且恪与魯論不同殆亦借用噴与曠同萋

恢字典與皆字典卒即丕字紹即紀字

泰山都尉孔宙碑

有漢泰山都尉孔君之銘

君諱宙字季將孔子十九世之孫也天姿醇嘏齊聖

達道少習家訓治嚴氏春秋緝熙之業既就而閨闕

之行允恭德音孔昭遂舉孝廉除郎中都昌長祗傳

又敦尊賢養老躬忠恕訢及人兼禹湯之臯已故能

興朴字缺二彫幣濟弘功於易簡三載考績遷元城令

是時東鬱黔首猾曼不字缺三祠兵遺畔未寧乃擢君

典式戎字訢文循之旬月之間莫不解甲服罪字缺三樨

田暖喜于荒圃商旅交乎險路會鹿鳴於樂崩復長

劣於酬酢字缺三稔會遭薦病告困致休得從所好季

六十一延熹六年正月乙未字缺三疾貴速朽之反真

慕寧儉之遺剔宅夕不舉明器不設凡百叩高字缺三

述於是故吏門人乃共陟名山采嘉石勒銘示後俾

有蘇式其辭曰

於顯我君懿德惟光紹聖位儒身立名彰貢登王室

閭缺是受夙夜字缺二左公明明乃綏二縣勅儀訢康

於天時靡攬茲岱方帥彼凶人覆俾字缺二南敵孔饒

山有夷行豐季多乘稱彼光觥帝賴其勲民斯是皇

疾字缺三乃委其榮忠告愍勤屢省乃聽恭儉自緘盍

盍不敝生播高譽歟令名永去字缺不刊音載揚聲

延熹七年七月戊缺造

石漢泰山都尉孔君之碑篆額孔君名宙即融之
父也歷即中都昌長元城令泰山都尉威宗延熹
六年正月卒碑以次年七月立宙有七子曰謙曰
襄皆見於碑誌凡漢刊其首行即入詞无額者或
題其前如張納樊安之比亦甚少已篆其上復標
其端惟此碑爾釋左傳者以窀窆為厚夜此云窀
夕非借也碑以幣為弊為釋音為億凱憂割黍
光盪藍敷即以夏則黍兕簋簋陳字

門生故吏名

門生鉅鹿癭陶張雲字子平門生鉅鹿癭陶趙政字

兀正門生鉅鹿廣宗捕巡字升臺門生東平寧陽韋
勳字為昌門生魏郡館陶張上字仲舉門生魏郡館
陶王時字子表門生魏郡陰安張典字少高門生魏
郡魏孟忠字詩政門生魏郡魏李鎮字世君門生魏
郡館陶吳讓字子敬門生魏郡館陶支儉字元節門
生魏郡館陶睨瑱字仲雅門生魏郡鄴暴香字伯子
門生東郡東武陽梁澍字元祖門生東郡衛公國趙
恭字和平門生東郡東武陽張表字公方門生東郡
東武陽滕穆字奉德門生東郡樂平桑演字仲厚門

生東郡樂平靳京字君賢門生東郡樂平梁布字叔
光門生東郡樂平桑顯字伯異門生陳留平丘司馬
規字伯昌門生安平下博張祺字紉松門生安平下
博張朝字公房門生安平下博蘓觀字伯臺門生安
平堂陽張琦字子異門生北海安丘齊納字榮謀門
生北海都昌呂升字山甫門生北海劇秦麟字伯麟
門生北海劇如廬浮字遺伯門生北海劇薛顛字勝
輔門生北海劇高冰字季超門生濟南梁郡趙震字
紉政門生濟南梁郡徐璜字秀文門生濟南東平陵

吳進字升臺門生甘陵廣川李韶字元童門生甘陵
貝公賀曜字升進門生魏郡清淵許祺字升明門生
魏郡館陶史崇字少賢門生魏郡館陶孫忠字府文
門生東郡樂平盧精字子節門生任城任缺三字景
漢門童安平下博張忠字公直故吏北海韶昌逢祈
字伯熹故吏北海韶昌雍章字文理故吏北海韶昌
魏稱字文長故吏北海韶昌呂規字元規故吏泰山
費魚淵字漢長故吏泰山華母樓覬字世光故吏泰
山南城禹規字世舉故吏泰山南武陽蕭誨字伯謀

故民泰山費淳字黨字季缺弟子北海尉陸暹字孟
輔弟子陳笛襲邑樂禹字宣舉弟子下邳下邳朱班
字宣缺弟子東平寧陽周順字承缺弟子沛國小沛
周升字仲甫弟子魯國文陽陳襄字聖博弟子汝南
平輿謝洋字子讓弟子山陽瑕丘丁瑤字實堅弟子
魯國戴璋字元珪弟子魯國卞王政字漢方
右門生故吏名孔宙碑陰也漢碑多有陰然稀少
有額獨此刻以五大篆表其上凡門生四十二人
門童一人弟子十人故吏八人故民一人都昌者

四泰山者五漢儒開門受徒著錄有盈万人者其
親受業則曰弟子以久次相傳授則曰門生未冠
則曰門童摠而稱之亦曰門生舊所治官府其掾
屬則曰故吏占籍者則曰故民非吏非民則曰處
士素非所涖則曰義士義民亦有稱議民賤民者
逢盛碑有姓姓者二人趙氏謂氏族書无姓姓此
碑有都昌殪章則古来自有此姓但譜者考之不
詳爾漢人雖姓氏亦借用字如伍為五歐陽為歐
羊之類或是借殪為解亦不可知也
麟即麟字襲
即襄字邠即

字邛

山陽太守祝睦後碑

故吏王堂等竊聞下有述上之功臣有叙君之德自昔在前列莫不紀名於典缺六者故孔子曰民人登祝上天歆焉用永其世而豐其丰登屬欽熙孰不咨賢代佗頌曰伊余祝君北自藜辛祝融苗胄承獲禎慶光裔熾艱分仕六國張雄諸夏鄭有祝聃者君其胤也昔祖仕湯湯治於梁泚顛自邗家于濟陰君齒卷入學脩韓詩嚴

氏春秋七典並立缺綜百家文豔彬或淵然深識怕然執守躬潔冰雪奈然清皓漸心於道通神達明無物不覽鄉黨遂遂朝廷便便踐跡州郡階究右坐以考察舉讚拜王庭除北海長史潁川郎令化行如風民應如草三載考績名登明堂色斯舉矣復身衡門童冠翔集既經樂術潛神默記與俗殊好辟司空府北軍軍中候擢拜尚書尚書僕射七政館館佐輔升樞功冠帝庭懿德遠優遷常山相山陽太守協齊行津恢崇三樂追惟九思導闡泮宮附庸攸同溫化以

隸釋

卷第七

十九

禮帥由舊章摘隱取伏訓承賢良國無珠藏悉浴蘭
湯壺林巨奠七子在宗乘普遠遜竟界尼康休釐充
缺功馨升揚當享紫衽為漢棟梁年六十八寢疾不
瘳延熹七年八月丁巳卒臨絕統族垂誨素棺幣以
段發贈祿賜醊非禮之常壹不得當轂無珍玩歿就
以約所謂守忠啓予其去也善蓋彰功表勛所以煥
往輝來於是三年禮闈乃相與刊勒金石其辭曰
穆我君邦之陽資五就闡道細陟泰徽准樞衡稽列
宿覽四方德合乾翼應皇領二郡曜重光化流洽棍

幽昌性天約元用長頌聲佗謔令香功烈著遺樹芳
存覲榮淪弗忘稱彌輝玄為常

右漢故山陽太守祝君碑頌蒙額與前碑皆在應
天府虞城縣祝君以延熹七年卒故吏王堂等三
年禮闈相与刊此石則延熹之九年也其詞聲牙
頗有難通者所云鄉黨遂遂亦与論語今文不同

碑以寮為寮以怕為泊斷即訛字泰即介字昨
即阼字館鎔即管轄字升即斗字統即續字

荊州刺史度尚碑

君諱尚字博平其先出自顓頊与楚同姓熊嚴之後

亦世掌位統國法度秦兼天缺下和之純質秉黃中

之正性暫含淵藪仁隆春煖義高秋雲行絜冰霜恍

慨壯厲臨缺下休譽固已著矣及其興牧必招振賢才

抽拔幽逸選召所任極當世之秀士養民有缺下令聞

彌崇暉光日新可謂盛德者已初奉歲計拜郎中除

上虞長王化潛洞百姓缺下黜恩信並宣令行禁止

以從父憂去官更舉孝廉為右校令是時南蠻蠢動

擢拜缺下醜殊俗實服遠人用綏封右鄉侯遷遼東大

守旬月之間歲務寧輯會揚賊畔於缺下拜中郎將殺

敵制勝威謀合神持重漫於營平深入則輕冠軍附

士渥於李廣御眾缺下同滋味必達并辨幕然後飲舍

惠以厚下說以犯難是故所征輒克師造無頓缺下寇

殄殪干戈載戢走馬以冀朝貪厥重復拜荊州刺史

以故秩居用書尉薦因賜缺下之前域號慕雖周人之

息召伯弗此踰也於是故吏感清廟之頌歎斯父之

詩乃缺下曰於惟我侯允懿允明文武是諒百忠百貞

粵初發藻在波上虞邁種厥德缺下矣匪襍是榮無言

不難帝揚厥聲俾佗配缺下生撫于前撫前惟何南夏

是下邦家隄波海外續莫匪嘉天生我侯實為民

望心乎其愛四方是印如何不永下而不朽勞烈遺

子

永康元年歲在鶉尾龍集丁未時惟缺歲下

右漢故荊州刺史度侯之碑篆額威宗永康元年

立度君名尚山陽湖陸人漢書本傳尚自郎中為

上虞長文安令長沙賊起荊州刺史劉度敗走詔

士公卿舉代者尚書朱穆舉尚自右校令為荊州刺

史寇定封右鄉侯遷桂陽太守明年召還荆兵復

亂以尚為中郎將討平之復為荊州刺史坐誣奏

張啓詣廷尉對以先有功得原后為遼東太守年

五十延熹九年卒傳載其事甚詳此碑既以荆牧

題其首又不見宰文安守桂陽及初拜荊州事其

守遼東又先后不同蓋此碑石下一段殘闕事有

遺失上雲之下既有闕文而后云數縣令行禁止

必其間嘗治文安也右校之下載南蠻蠢動而擢

拜下闕文其后云復為荊州刺史則知拜字之下

乃初拜荊州也荆域孺慕如思召伯之上闕文恐

是守遼東事但封侯之后碑云守遼東而傳作桂陽二說不同羣賊十年逋誅最后深藏桂陽山谷間尚多設方畧始能翦除恐或就守其壤不可得而辯也碑中不見度君所終歲月未有題字一行云永康元年丁未蓋是記立碑之歲即延熹九年之次年也尚自荆牧坐累起家作守故碑以荊州題之此碑在湖陵荒野政和壬辰巡檢王當世見之始遷于官解其后邑令滕君欲從碑於沛舟三載而三覆繼因大水漲沒不出乙未年劉宗儀攝

事乃能立之使星亭云

碑以漫為優智教官縻豐續即智料克祿夏績字

車騎將軍馮緄碑

君諱緄字皇卿幽州君之元子也少耽學問習父業治春秋嚴韓詩倉氏兼津大杜弱冠詔除郎還更仕郡歷諸曹史督却主簿五官掾功曹舉孝廉除右郎中蜀郡廣都長遭直荒亂以德綏撫政化深行到官西載功稱顯著郡察廉吏州舉元異遷掾為武陽令誅疾疆豪以公去官部廣漢別駕治中從事辟司空府侍御史御史中丞督使徐揚二州討賊范宐朱生

徐鳳馬勉張嬰等坐迫州郡進兵正法復辟司徒府
 廷尉左監正治書侍御史廣漢屬國都尉隴西大守
 坐問吏辜旬不分去官以羗駭動為四府所裒復家
 拜隴西大守上庠辟同產弟徵議郎復治書侍御史
 尚書遼東大守廷尉大常車騎將軍南征五溪蠻夷
 黃加少高相法氏趙伯潘鴻等斬首萬級沒溺以千
 數降者十萬人收逋寶布卅萬匹匹不費官財振旅
 還師臨當受封以謠言奏河內大守中常侍左館弟
 坐遜位拜將佗大匠河南尹復拜廷尉裒荊州刺史

李隗南陽大守成晉大原大守劉瓚不宜以重論坐
 正法佗左校後詔書特賞拜七騎校尉復廷尉奏中
 臣子弟不宜與牧州郡獲過左右遜位永康元年十
 二月薨一要金紫十二鉅艾七墨綬

將軍體清守約既來歸葬遺令墳塋取蔽刑而已不
 造祠堂可謂履真者矣恐後人不能紀知官所更歷
 故刊石表績以發來世孝桓皇帝以命將軍討此疆
 夷有桓桓烈缺之姿曰誦為栢

石漢故車騎將軍馮公之碑篆額今在渠州馮公

名緄巴郡宕渠人碑云字皇卿而本傳作鴻卿傳云舉廉七遷為都尉中丞持節督討揚賊守隴西遼東為京兆司隸廷尉大常車騎以長沙賊復作策免起為將作匠河南尹廷尉坐考殺單遷謫左校再為屯騎廷尉卒官其遷絀及物故先后与碑甚矛盾威宗以命將武功定謚緄亦虎臣之一云亾適當其時故作文者以帝謚書左方趙氏以為緄有此謚而史不載誤也碑云一要金紫十二銀艾緄終於廷尉而以將軍題碑者尊金紫也帝紀

揚徐賊范容周生寇城邑遣中丞馮赦督州郡兵討之以緄為赦紀之誤也許曼傳云隴西守馮緄始拜郡開綬笥有兩赤虵分南北走曼筮之曰三歲后為邊將官有東名當東北行三千里后五年為將軍南征延熹元年緄守遼東討鮮卑至五年拜車騎擊武陵蠻却与碑合水經宕渠不曹水下注潜水縣有馮緄及桂陽守李温冢二子之靈常以三月還鄉水暴長郡縣吏民莫不祭於水上謂之馮李此異聞也

碑以疆為疆刑為形襄瑩誦即表瑩謚字漢史成晉劉瓚作成

質劉

沛相楊統碑

君諱

字九

富波君之

缺子也

缺天

性少有令問敦

缺孝

勅內

缺名

行片脩外紹

字缺二

烈隆構厥基既

仕州郡會孝順皇帝西巡召見帝嘉其忠臣之苗器其瓊璫之質詔拜郎中遷常山長史換捷為府丞君雖拙而就之君順時政非其好也迺翻然輕舉臯司累辟應考司徒州察茂才遷銅陽侯相金城太守德君化圻民咸片懷殊俗慕義者不肅而成帥

服者變衽而屬疆易不爭障塞釋事功顯不伐委而漫駕直南蠻蠢迪玉師出征君志武備兼廟勝光戰拜車騎將軍從事軍還策勳復君疾辭後適徵拜議郎五官中郎將沛相天吏之治副當神人秩禮之選舉不踰賢故望大和則侯生毓晞嚴霜則畏辜戮欣悅竦慄寬猛必衷遭貴戚專權不稱請求考績不論徵還議官年五十六建寧元年三月癸丑遘疾而卒朝廷愍惜百逾歎傷缺民遐爾莫不隕涕故吏戴條等追在三之分感秦人之哀顛送贖其無由庶考

斯之頌儀直鑄石立碑勒銘鴻烈光丐僖載俾永不滅其辭曰

明明楊君懿鑠其德其德伊何官忠官力勤止厥身
帥缺靡革暮茲英猶道日經國班化勅元既清且寧
武陵攜感友懷遐冥遠人斯服休亦充庭劉栗波得
日和日平勲速薤矣莫與爭先甘棠遺愛東征企皇
念波恭人怒焉永傷立言不朽先民所感載名金石
貽丐无疆

右漢故沛相楊君之碑篆額碑缺不知其名仿佛

有富波君字按楊震碑云長子牧富波侯相牧子
統金城太守沛相則知此為楊統碑也順帝以其
忠臣之苗特召為郎歷常山長史掾為府丞鮑陽
侯相金城太守車騎將軍從事議郎五官中郎將
沛相以靈帝建寧元年卒故吏戴條等共立此碑
其從昆弟高陽令著碑陰題名所云沛君者即統
也此碑辭翰俱妙以百寮作百遠以遐邇作遐爾
璵即璵字續即續字顛即顛字震子孫名見于史
官即克字感即貳字速即迹字者數人富波相及其孫衛尉奇皆在焉統居其中

而不見錄亦史策之缺遺也

楊統碑陰

故字缺三郎中令缺戴字缺故吏懷陵圉令相蔣

禧字武仲故吏宜祿長蕭劉瑞字仲祐故吏孝廉杼

秋劉旭字子明故吏大官曰甘丞譙曹臻字建國故

辭曹史鄆公孫銀字山祖故門下書佐豐韓純字子

敬故門下書佐豐畢珮字廣屯故門下書佐鄆孟縱

字河雒故決曹書佐鄆公孫暘字元暘故吏贊陳俊

字仲顯故吏蕲夏陽字議公故吏蕲兒銀字伯玉故

吏杼秋劉順子選故吏沛周儀字帛民

右楊統碑陰凡十五人不稱郡皆沛人也贊即鄆

蓋是借用前史已嘗書倪寬為兒此有兒銀乃知

兩京之所通用

竹邑侯相張壽碑

君諱壽字仲吾其先蓋晉大夫張老盛德之襲世載

缺勲遵帥紀律不忝厥緒為冠帝理義之宗君孝友

恭懿明允篤信敦悅經睢習父東光君業兼綜六藝

博物多識略涉傳記矯取其用股肱州郡匡國達賢

登善濟可登斑叙優能正躬帥陪臨疑獨照確然不
 撓有孔甫之風舉孝廉除郎中給事謁者贊衛王臺
 婁缺忠譽上嘉其節仍授命英匡其京輦昭德塞違
 內平外成舉無遺愆遷竹色侯相明德慎罰縣奉采
 土遭江楊劇賊上下缺征沒賦彌率萌于缺戈杼軸
 罄殫君下車崇尚儉節躬自菲薄儲侍非法悉無所
 留并官相領省倉缺小府御史朝無姦官壘無淫寢
 教民樹藝三農九穀稼畱滋殖國無灾祥歲聿豐穰
 皤白之老率其子弟以循仁義蜂賊不起厲疾不行

視事車載黔首樂化戶口增多國寧民殷功刊王府
 將授輜帑對揚其勛功曹周憐前將放濫君激澄清
 憐顧愆悔過督郵周紘承會表問君常懷色斯舍無
 宿儲遂用高逝老弱相携揆援持車千人以上沛相
 名君駱驛要請君捐祿收名固執不顧民無所叩國
 違所賴上下同感州郡聞知捨弓禮招復為從事觀
 黜席視不折其節辟司徒府進退以禮舍弘內光頤
缺皓爾顧天不怙遺疾無療年八十建寧元年五月
 辛酉卒嗚呼哀哉夫積循純固者為天人所鍾功假

於民者叙左銘典於缺俊缺訪諸儒林刊石樹碑式
昭令激其辭曰

亮元德於我君膺清茂體懿純超三署垂令缺甄聲

號缺憲臺矯王業弭紫微彈羣司清公缺緩薄賦牧

邦畿黎烝殷四荒饑感良臣哀其靈鳩輕舉缺采正

民歎思暨輿人宰府命遂遠缺名振射缺彌闡垂令

紀永不刊巧骨德深後昆曾未問欲常與色神合無

石漢故竹色筵相張君之碑隸額張君名壽以孝

廉為郎嘗相竹色靈帝建寧元年卒張君治功曹

周憐之過及為督郵周紘所窘至於捐祿而歸此

風古今一也前史多以牟為蠡海廟碑嘗借作字

此碑又借蚌用之字書亦通用也碑以畜為穡轄

繹顛為曼悌為弔觀為
眈黎為黎忝即忝字



隸釋卷第七

